

DEPORTE

BON DIA

Aruba




**Xander ta e prome Arubiano
den Serie Mundial di Baseball**

Xander Bogaerts, prome pelotero Arubiano den Serie Mundial di Baseball na Merca



Xander durante seleccion di Weganan di Reino 2009.




Xander y Jair Bogaerts despues di e titulo maximo di baseball durante Weganan di Reino 2009.

ORANJESTAD - Awe ta inicia e Serie Mundial di Baseball na Merca entre Boston Red Sox y St Louis Cardinals unda cu e pelotero Arubiano Xander Bogaerts tambe lo ta formando parti di e. Hunto cu su ekipo Boston Red Sox, Xander lo trata di konkista e titulo maximo den baseball mundial, e prome pa Boston desde 2007. Den e dianan aki, Xander ta topico di discusion na Merca, henter prensa Mericano ta gusta e forma con e hoben Arubiano ta hunga baseball y e pasenshi enorme cu su persona tini ora e para den e cala di bateo y enfrenta e milio pitcherman di mundo, anto cu solo 21 aña di edad. Mirando tur e atencion aki, nos cu conoce Xander desde algun aña atras kier a trece e historia di un hungado extraordinario cu awe a bira un berdadero profesional. Nos a compila algun informacion cu nos a haya for di personanan cu conoce Xander Bogaerts.

Na aña 2001, e hoben Xander Bogaerts a hunga pa e ekipo di Pepsi Cola 9/10 aña, e mesun aña el a forma parti di seleccion di Weganan di Reino. E mesun seleccion a competi na Mexico den e Weganan Pan Americano di baseball pero no a logra triunfa. Na 2009, Weganan di Reino a tuma luga na Aruba, unda Aruba ta logra e titulo di champion ganando Corsou y Hulanda. Na aña 2009 hunto cu Valero Senior League 15/16 nan ta gana e campeonato y Xander ta forma parti di e seleccion



Xander Bogaerts durante apertura di Weganan di Reino 2009.



Xander den accion durante Mundial di Senior League na Bangor Maine 2009.



Minister Richard Visser y Xander Bogaerts na e Wall of Fame Paseo Herencia.

on di NAS. Den luna di juni 2009, NAS ta logra e titulo maximo den e campeonato Latin Americano Senior League na Yabucoa, Puerto Rico, anto invicto. Den luna di augustus, e seleccion ta biala pa e Serie Mundial di Baseball Senior

League na Bangor Maine, pero ta logra un di tercer luga. Den e mesun aña 2009, Xander ta firma cu e organisacion di Boston Red Sox. Di eynan su trayectoria ta cuminsa Boston Red Sox y awe formando parti di e prome ekipo unda e lo




Xander y Shawn dunando warming up na e peloteran hoben di Aruba.

hunga un Serie Mundial. Remarcabel ta cu e aña 2012, Xander a forma parti di e ekipo World den e All Star Game unda el hunga contra Merca den e prospecto mas grandi di baseball na Merca. E aña aki, Xander a hunga pa e seleccion Hulandes di baseball den e Clasico Mundial di Baseball na Taiwan. Como pelotero, Xander a wordo reconoci pa Gobierno di Aruba den Premio Simplemente Deporte, Premio Excelencia den Deporte y Aruba Role Model. Tambe Xander ta aparece riba e Wall of Fame di Paseo Herencia. Tur e reconocimiento aki ta pa su dedicacion y estuero como tambe su logronan den e deporte di baseball. Como Arubiano esaki ta yena nos di orguyo. Tabata apenas dos luna pasa cu Xander ta wordo yama pa hunga den e ekipo principal di Boston Red Sox y awe 23 di october e mira su sono como mucha bira realidad dor di hunga un final di baseball den Mayor League Baseball.

Di aki banda nos kier felicita henter famia Bogaerts y Brown como tambe nos sincero deseo di exito na Xander Bogaerts den e Serie Mundial contra di St Louis Cardinals. Nos tin sigur cu Aruba completo ta cu Xander!!!!

Nos kier a gradici Mama Ruth Melior pa cu e potretnan y informacion, mescos tambe na Alric Kock pa cu e potretnan di Bangor, Maine y Valerie Pieters-Camacho pa cu e potretnan di Wall of Fame, Paseo Herencia. □



Bogaerts coriendo pa e seleccion di Hulanda 2013.